

THE UNIVERSITY OF CHICAGO

CHICAGO, ILL. 60637

欽定剿平捻匪方略卷九十五

辛酉年

二月二十日

戊寅

清盛奏言據泰安府縣稟初十

日捻逆圍撲泰安郡城東西兩門馬隊五六千
分攻四隅關廂該府率勇併力擊退賊分三股
由泰安東南正南東北竄去旋由萊蕪竄至博
山之顏神鎮復竄至章邱之黑峪口長山之周
村等處現經僧格林沁派委候補道李麟遇副

都統德楞額管帶馬步兵勇分兩路齊赴東北
一帶追剿惟省城偏處堪虞臣現帶兵勇於二
月十七日出省前赴章邱一帶確探賊蹤迎頭
截擊爲前後夾攻之計飛咨青州副都統恩夔
札飭青州府一體嚴密扼守至省城防務臣已
布置周妥並飛調明新帶兵星夜折回省城於
西關外扼要駐紮保護根本重地

臣後

路聲援奏八

上命軍機大臣傳諭僧格林沁西凌阿國瑞德楞額清
盛曰捻逆被擊東竄清盛現帶兵勇前赴章邱一帶
著卽探明賊蹤分投截剿其省城防務卽責令明新
妥爲布置現在賊勢趨重東路僧格林沁派李麟遇
德楞額管帶兵勇分路赴東北追剿著該大臣等卽
嚴飭該員等會同民團奮力擊賊並飭令恩夔扼守

青州一帶毋使擾及完善地方前據僧格林沁等奏
南捻復五旗並出邊馬已到馬牧集有向正北西北
竄撲之勢此股捻匪現在情形若何西凌阿圖駐濟
甯會否將該匪等擊退著該大臣等迅速具奏

二十一日 己卯 兵部右侍郎勝保奏言據探捻匪

由鞍山鎮撲圍東平州城該州官紳登陴守禦
向甯陽平陰等縣竄去查東平州東北距濟南

省城僅百有餘里直隸之河閒景州等處亦相
距匪遙爲東路通京大道並無山川阻隔不可
一無防禦現飭天津道孫治馳赴河閒趕緊集
團扼剿並面授該道守禦機宜認真經理且由
臣軍營酌撥青州陝甘勁旅共一千名馳赴河
閒駐紮惟賊勢方張恐尙不敷堵剿擬再於天
津鎮標內撥兵一千名會同大營所撥官兵聯

紹各屬團練駐守河間以扼北竄均聽臣節制
遇有緩急隨時稟候調遣臣卽酌度緩急情形
相機接應如果大股北趨關八直境卽當一面
派兵扼剿一面奏請

訓示遵行如或捻蹤卽日折回臣仍當先預根本重地
隨時督率操練各軍以壯聲威而備寇患奏入
上命軍機大臣傳諭勝保曰河間景州等處爲東路通

京大道自應先事豫防勝保擬撥青州陝甘兵一千名再於天津鎮標內撥兵一千名防堵河閒著卽飭總兵伊綿阿前往統帶扼要駐紮並令天津道孫治馳赴河閒整齊各屬團練務與官兵聯爲一氣以遏賊勢北趨之路仍均歸勝保節制

上
又命軍機大臣傳諭文煜曰河閒景州等處爲東路通京大道現在捻匪竄擾東境直隸邊界亟應先事

豫防勝保現由大營撥青州陝甘兵一千名交總兵
伊綿阿管帶馳赴河間所有天津鎮標官兵一千名
著文煜卽如數調赴河間駐紮統歸勝保節制並飭
天津道孫治前往該府招集團練協同官兵實力扼
守其保定深冀等處毗連東境所有該處團練事務
並著文煜飭令清河道錫祉親歷各屬迅速辦理遇
有緩急卽知照勝保相機策應

同日安徽巡撫李續宜奏言逆首陳玉城糾合
大股捻匪龔瞎子等直犯英霍查英霍萬山叢
雜下通潛太上達羅麻蘄黃實爲皖鄂邊要有
不得不同顧之勢胡林翼久病未痊未能督隊
前進現力疾堅守太湖副都統多隆阿仍駐桐
城掛車河扼懷桐援應之路臣於二月初六日
由青草壩率全軍而上視賊所向盡力追剿皖

集賢堂
江南岸現有督臣曾國藩督師祁門建德進規
徽池一路北岸則安徽爲江表咽喉應力圖恢
復以固根本六安壽州屏蔽全淮亦應分防刻
下楚軍勇力甚單非擊退援賊勢難兼顧前撫
臣翁同書所帶皖營可否請

旨飭下漕臣袁甲三就近調度分守六安壽州兩城俟
安慶克復臣再行設法籌備奏入

上命軍機大臣傳諭袁甲三翁同書曰逆賊上犯楚疆
擾及黃州李續宜督軍回顧到任需時六安壽州一
帶防剿不容稍疏袁甲三現在扼守臨淮務須妥籌
兼顧不准稍涉顛預翁同書應仍遵前旨嚴密布置
力保危城設有緊急卽會商袁甲三分兵協助不可
專待李續宜到任致誤事機

二十二日
庚辰翁同書奏言苗練攻破堰口集後

又破小圩數處脅從無數亦有堅守不降者與
苗練互有殺傷臣派參將韓殿甲郭清標等帶
勇集團分段堵禦苗沛霖近又破保義集大圩
燒燬民房連營數十座前後得糧數萬石聲言
有衆數十萬卽日將到等語袁甲三相隔二百
里未能兼顧李續宜駐軍青草壩相隔更遠臣
營兵勇因餉絀陸續遣撤止存一萬二千名除

分防六安正陽潁州外僅四千餘名現在兩河
口菱角嘴等處苗營累若貫珠柴米久絕正陽
一縷餉道岌岌可危臣現在相地分兵於雙橋
集紫川勇一千名遏菱角嘴之衝以通正陽傳
聞苗練將以大股攻撲壽州正陽而分股西窺
光固臣已咨會嚴樹森毛昶熙嚴加防守以杜
闖入豫境奏入

上命軍機大臣傳諭袁甲三曰袁甲三扼守臨淮現在
苗練攻擾壽州南鄉亟宜設法兼顧苗沛霖叛跡顯
然屢次諭令袁甲三趕緊妥辦何以該大臣未將布
置情形據實具奏著仍遵前旨察看該練可撫則撫
儻始終怙惡卽迅速勦辦不可坐失事機李續宜到
任需時翁同書已成坐困之勢壽州正陽如有失事
惟袁甲三是問壽城待餉孔亟該大臣卽迅速設法

接濟以期力保危城

同日嚴樹森奏言省東歸陳邊境偏近捻巢彌望平原無險可扼商永鹿柘淮沈之交路路可通卽路路可竄追賊越宋郡而西宋營撥兵返救賊已飽颺我軍反落賊後幾有兵與賊兩不相逢之勢數年來賊屢出擾宋營未嘗不出戰戰亦未嘗不勝奈賊股太多並有不必道出宋